

Här Fernand Etgen  
President vun der  
Deputéiertechamber  
19, um Krautmaart  
L-1728 Lëtzebuerg

Lëtzebuerg, de 26. Abrëll 2021

Här President,

Sou wéi d'Chambersreglement et virgesäit, bieden ech lech, dës parlamentaresch Fro un den Här Bausseminister, den Här Finanzminister an den Här Kooperatiounsminister weiderzeleeden.

De 5. Oktober 2020 huet d'Regierung e Communiqué zur Ouverture vum éischten europäesche Sëtz vun der "Alliance for Financial Inclusion" (AFI) an der Stad Lëtzebuerg verëffentlecht. Souwuel den Här Finanzminister wéi och den Här Kooperatiounsminister hunn zesumme mam Direkter vun der CSSF un der entsprecherender Feier deelgeholl. Den Här Finanzminister gëtt an deem uewe genannte Communiqué follgendermoossen zitéiert: *"In an increasingly connected world, only the constant exchange between regulators from different markets will allow us to effectively build a more sustainable and innovative finance that is accessible to all"*. Den Här Kooperatiounsminister gëtt ënnert anerem mat folgende Wieder zitéiert: *"Cooperation means the exchange of knowledge, expertise and best practices. In that sense, engaging with the broader regulation community is crucial to promote true responsible and sustainable inclusive finance [...] In that sense, we look forward to an even closer relationship with AFI and its members over the years to come"*. Am Artikel *"Allianz fir finanziell Inclusioun"* deen den nämmelechten Dag op RTL publizéiert gouf, heescht et ausserdeem, datt d'Regierung der AFI iwwer dräi Joer insgesamt 500.000 Euro an eng Lokalitéit am "House of Microfinance" zur Verfügung stellt.

D'AFI selwer féiert op hirem Spawecksitt ëffentlech Institutiounen aus 88 Länner (Stand vum 23. Abrëll 2021) als Memberen op, dorënner vill Zentralbanken a Finanzopsichtsadministratiounen. Nieft enger Rei Institutiounen aus kleng Staate ginn och d' "People's Bank of China" souwéi d' "China Banking Regulatory Commission" als "principal members" an d' "Central Bank of the Russian Federation" als associate member genannt.

An deem Zesammenhang géif ech deenen dräi Ministere gär des Froe stellen:

- 1) Sinn elo scho Lëtzebuerger ëffentlech oder privat Institutiounen Member an der AFI? Wa jo, wéi eng sinn dat? Wann nee, strieft d'Regierung eng Lëtzebuerger Memberschaft an der AFI un?
- 2) Verfüügt d'Regierung iwwer eng formell Verriedung an der AFI? Wa jo, wéi engem Ministère an/oder Administratioun gehéieren dës Verrieder un?

- 3) Wéi gëtt déi Participatioun vu 500.000 Euro vu staatlecher Säit justifiéiert an ënnert wéi enger Form a vu wéi engem Budgetsartikel fléissen déi Gelder? Wéi en Zweck hu se? Gëtt d'Verwendung vun dese Suen auditéiert?
- 4) Iwwert wéi eng Institutiounen respektiv Plattformen gëtt dee vum Här Finanzminister an dem Här Kooperationsminister thematiséierten Austausch vun *Know how* virgeholl?
- 5) Gëtt et en Austausch tëschent der AFI an dem "House for Sustainable Governance and Markets" (HSGM), respektiv der AFI an aneren Institutiounen vun der Uni.lu?
- 6) Wéi e Rôle spillt d'AFI am Kader vun der Lëtzebuurger Kooperationspolitik?
- 7) Et läit an der Natur vun der Saach, datt grouss Staaten an internationalen Organisatiounen iwwer méi Méiglechkeete verfügen, fir hir Interessen duerchzusetzen, wéi kleng Staaten. Wéi beurteilt d'Regierung den Afloss speziell z.B. vu China bannent der AFI?
- 8) Hu scho Persounen déi internationale Sanktiounen ënnerleien gefrot fir op Lëtzebuerg ze kommen, fir mat der AFI Kontakt ze hunn?

Mat déiwem Respekt,



Fernand Kartheiser  
Deputéierten



LE GOUVERNEMENT  
DU GRAND-DUCHÉ DE LUXEMBOURG  
Ministère des Finances

Monsieur le Ministre  
aux Relations avec le Parlement  
p.a. Service Central de Législation  
5, rue Plaetis  
L-2338 LUXEMBOURG

Référence : 838x4a9d4

Luxembourg, le 25 mai 2021

**Concerne :** Question parlementaire n° 4157 du 26 avril 2021 de Monsieur le Député Fernand Kartheiser concernant l'Alliance for Financial Inclusion

Monsieur le Ministre,

J'ai l'honneur de vous transmettre ci-joint la réponse commune à la question parlementaire sous rubrique.

Veuillez agréer, Monsieur le Ministre, l'expression de mes sentiments très distingués.

Pour le Ministre des Finances,

Bob  
Philippe  
Kieffer

Digitally signed by  
Bob Philippe Kieffer  
Date: 2021.05.25  
14:27:48 +02'00'

Bob KIEFFER  
Directeur du Trésor





**Äntwert vum Här Finanzminister an vum Här Minister fir Entwécklungszesummenaarbecht an  
humanitär Ugeleeënheeten op d'parlamentaresch Fro N° 4157 vum 26. Abrëll 2021 vum honorabelen  
Deputéierten, dem Här Fernand Kartheiser**

Als Äntwert op déi 8 Froe vum honorabelen Deputéierten kann ee folgend Elementer uginn.

Der Alliance for Financial Inclusion (AFI) hir Missioun ass et den Zougang an d'Benutzung vu Finanzservicer fir d'Populationen an Entwécklungs- a Schwellelänner ze erhéijen, an deems se entspreichend Finanzpoliticken matthëlft ze formuléieren an ëmzesetzen.

Et si keng ëffentlech oder privat lëtzebuurger Institutioune Member vun der AFI. Well d'AFI exklusiv aus Institutioune aus Entwécklungs- an Schwellelänner besteet, strieft d'Regierung och keng Memberschaft bei der AFI un. D'Regierung verfügt iwwer keng formell Verriedung an der AFI. De Finanzministère an d'Direction de la Coopération au développement et de l'Action humanitaire vum Ausseministère suivéieren d'Aktivitéite vum europäesche Verriederbüro vun der AFI.

D'Governance Reegele vun der AFI, déi duerch hir Statute festgeluecht sinn, garantéieren ee sougenannten *level playing field* tëscht de verschiddene Memberen. Fir all Member gelt dat nämmelecht Stëmrecht, onofhängeg vu senger Gréisst.

Duerch eng Ënnerstëtzung vun der AFI ka Lëtzebuerg zur nohalteger Entwécklung an dese Länner bäidroen, andeems et säin Engagement fir eng inklusiv Finanz fortsetzt, a seng Expertise an deemem Beräich mat anere Länner deelt.

Déi lëtzebuergesch Regierung ënnerstëtzt d'Aarbecht vun der AFI hirem neie Büro zu Lëtzebuerg an Héicht vun 1.600.000 EUR iwwer 3 Joer. D'Kontributioun vun der Lëtzebuurger Kooperatioun beleeft sech op 1.100.000 EUR aus dem Kooperatiounsfong, während de Finanzministère sech mat 500.000 EUR vum Budgetartikel 34.0.54.030 (*Participation aux programmes et projets des institutions financières internationales et aide au développement*) bedeelegt. D'Konten vun der AFI ginn all Joer onofhängeg gepréift, an deemem Audit gëtt mat deenen zwee betraffene Ministère gedeelt.

De Wëssensaustausch tëscht der AFI a Lëtzebuerg fënnt op e verschiddene Niveaue statt. Beamte vun deenen zwee Ministère huelen un Seminare vun der AFI deel. Doriwwer eraus profitéiert d'AFI vum lëtzebuergeschen Ekosystem fir inklusiv Finanz. Als Beispill huet d'AFI e *FinTech Showcase* an Zesummenaarbecht mam Haus vun der *Fintech* (LHoFT) organiséiert, an un der Europäescher Mikrofinanzwoch deelgeholl. Zousätzlech echangéiert sech d'AFI mat der Commission de Surveillance du Secteur Financier (CSSF).

D'AFI steet och an engem Kontakt mat der *House for Sustainable Governance and Markets* (HSGM) vun der Uni.lu. Duerch hir Recherche am Secteur vun der inklusiver Finanz ënnerstëtzt d'Uni.lu der AFI hir Politikpabeieren, a verséichert sech esou dass hir Recherche weltwäit gebraucht gëtt.

Eises Wëssens no hu nach keng Persounen déi internationale Sanktiounen ënnerleie gefrot fir op Lëtzebuerg ze kommen, fir mat der AFI Kontakt ze hunn.